

光緒辛巳年重修

惠州府志

圭

惠郡城北文昌宮藏板

惠州府志卷二十五

藝文三

舟行至清遠見顧秀才玉堂仙江雲漠漠桂

宋
蘇軾

到處聚觀香案吏此邦宜着玉堂仙江雲漠漠桂花濕梅
雨條條荔子燃聞道黃柑常抵鵲不容朱橘更論錢恰從
神武來弘景便向羅浮覓稚川

初到惠州

髣髴曾遊豈夢中欣然鷄犬識新豐吏民驚怪坐何事父
老相携迎此翁蘇武豈知還漠北管甯自欲老遼東嶺南
萬戶皆春色會有幽人客寓公

惠州署中次坡公初到惠州

明提學

何三省

夜色淒清卷牖中
電光可得似安豐
有星名客慙輶使
對月爲賓類野翁
髮監烽烟鷄塞北
情消炬焰鱷湖東
春花環匝朱明洞
我欲扶筇訪葛公

西湖

宋提舉

楊萬里

三處西湖一色秋
錢塘潁水及羅浮
東坡元是西湖長
不到羅浮便得休

又

廣南東路提刑

劉克莊

岷峨一老古來少
杭潁二湖天下無
只恐先生晚年落
南遷猶得管西湖

游羅浮山一首示兒子過

蘇軾

人間有此白玉京羅浮見日雞一鳴南樓未必齊日觀鬱
儀自欲朝朱明東坡之師抱樸老真契早已交前生玉堂
金馬久流落寸田尺宅今誰耕道華亦嘗啖一棗契虛正
欲仇三彭鍊橋石柱連空橫杖藜欲趁飛猿輕雲溪夜逢
瘖虎伏斗壇晝出銅龍狎過兒少年有奇志中宵起坐存
黃庭近者戲作凌雲賦筆勢彷彿離騷經負書從我志歸
去羣仙正草新宮銘汝應奴隸蔡少霞我亦季孟山立卿
還須畧報老同叔贏糧萬里尋初平

白水山佛跡巖

蘇軾

何人守蓬萊夜半失左股浮山若鵬蹲忽展垂天羽根株
互連絡崖嶠爭吞吐神工自爐錘融液相綴補至今餘隙

罅流出千斛乳方其欲合時天匠麾月斧帝觴分餘瀝山
骨醉后土峯巒尙開闔澗谷猶呼舞海風吹未凝古佛來
布武當時汪罔氏投足不蓋母青蓮雖不見千古落花雨
雙溪匯九折萬馬騰一鼓奔雷濺玉雪潭洞開水府潛鱗
有饑蛟掉尾取渴虎我來方醉後濯足聊戲侮回風卷飛
雹掠面過强弩山靈莫惡劇微命安足賭此山吾欲老慎
勿厭求取谿流變春酒與我相賓主當連青竹竿下灌黃
精圃

寄鄧道士并引

蘇軾

羅浮山有野人相傳葛稚川之隸也鄧道士守安山中
有道者也嘗於庵前見其足跡長二尺許紹聖二年正

月二日余偶讀韋蘇州寄全椒山中道士詩云今朝郡
齋冷忽念山中客澗底束荆薪歸來煮白石遙持一樽
酒遠慰風雨夕落葉滿空山何處尋行迹乃以酒一壺
依蘇州韻作詩寄之

一杯羅浮春遠餉采薇客遙知讀酌罷醉卧松下石幽人
不可見清嘯聞月夕聊戲庵中人空飛本無迹

殘臘獨出二首

錄第二首

蘇軾

江邊有微行詰曲背城市平湖春草合步到棲禪寺堂空
不見人老稚掩關睡所營在一飽食已甯復事客來豈無
得施子淨掃地風松獨不靜送我作鼓吹

丙子重九二首

蘇軾

三年瘴海上越嶠真我家登山作重九蠻菊秋未花惟有
黃茅浪堆壠生切窳蜚酒蘖累毒酸甜如梨櫨何以侑一
尊鄰家餽鼃蛇亦復強取醉歡謠雜悲嗟今年吁惡歲僵
仆如亂麻此會我雖健狂風卷朝霞使我如霜月孤光挂
天涯西湖不欲往暮樹號寒鴉

其二

蘇軾

窮途不擇友過眼如亂雲餘子誰復數坐閱兩使君共飲
去年堂俯看秋水紋此水與此人相追兩汙汙老去各休
息造化嗟長勤佳哉此令節不惜與子分何以娛我客游
魚在清瀆水師三百指錢網欲掩羣獲多雖一快買放尤
可欣此樂真不朽明年我歸耘

西湖

明 王克誨

一片湖光萬頃藍
鏡中橋影落三三
水禽不畏蘭舟蕩
霜葉何知野客酣
別浦亭臺臨苕藻
遙天鐘磬出松杉
伊人已遠芳洲綠
惆悵青山隱暮嵐

又

夏尙忠

湖上春來湖水平
西湖春色鎖孤城
晴光燦爛四山見
佳氣葱蘢萬木生
畫鷁初成聊載酒
彩蟾斜度晚吹笙
風光自是湖中景
何事杭州獨擅名

又

郡司 鄭欽陞

纔遇東坡便姓西
汝杭陳頴許同題
依灘幾個漁舟泊
叢篠一聲山鷓鴣
啼遠樹孤烟生客
恨斜陽衰草照人
低登臨

欲上招提望暝色蒼茫望轉迷

又

太常卿

李學一

西湖新水與堤平湖上羣峰儼削成蘭棹泛時江芷綠芒
鞋到處岸霞明年華荏苒慚雙鬢夜景霏微對短檠野老
近來疎懶甚陽春白雪詎能賡

又

提學

郭子直

亭臺縹緲近城隅選勝招遊興不孤下走自慚非上乘南
荒亦喜有西湖千村紅樹秋容染兩岸青山海氣扶何日
畫船同載酒與君訪隱入菰蘆

又

提學

魏浣初

玉局文心絕代無天教到處領西湖不緣浪跡頻遷謫爭

得蠻鄉入畫圖秋色斷橋連嶂起寒鴉古木一亭孤羅浮
道士今何在月出山空似可呼

六如亭畔寶幢層宛似雷峰見慣曾四面亂山霞捧日一
邱斜島樹交藤且停歌吹携壺泛不用騶從野服登訪到
棲禪有遺寺佛龕燈火伴荒僧

平沙如席縠紋鋪炎瘴懸知此地無蛋艇微芒衝菡萏蠻
謳清切起菰蒲仍將淺黛描西子便擬孤山喚老逋士雅
風流民俗儉笙歌安得使君蘇

宛轉垂虹鎖逆潮淙淙開水瀉新橋移山偶出先生手解
帶原忘學士腰難得種桃拋萬核須教插柳裊千條他時
明聖湖頭望一種春心兩處搖

又

鄭紹武

西湖長者憶蘇公
烟景風流二妙同
天載一泓含曉翠
人開千頃泛春風
山空古寺湮秋草
日落荒堤鎖暮虹
自古乾坤俱夢幻
劍鉞何用割愁峰

又

知縣 陳九疇 歸善

十里烟霞洲渚通
羣山繚繞碧波中
水鷗來狎忘機者
野鳥時親弄釣翁
孤棹漫隨春浪遠
放歌聊與牧謳同
閒情偏共湖光合
載酒時過趁晚風

又

郡司 吳希哲

四年遷客半湖濱
點綴烟波水上文
裏外平分雙鏡月
東西橫鎖六橋雲
玉埋聖塔和秋老
爐熱遙堂入夜薰
怪底

西湖常伴客湖山無主靠東君

又

孔少娥

歸善女士

西湖西子兩相儔
湖面偏宜點翠洲
一段芳華描不就
月灣宛轉似眉頭

西湖歌

太守張萱

博羅

九州之內三西湖
真山真水真畫圖
錢塘明聖果不妄
二高三竺神仙都汝陰
勺水胡爲爾歐陽
太守移家至續遊
不是老門生安得標名在人耳
惠州西湖嶺之東
標名亦自東坡公
紹聖已非元祐日
惠州豈與杭州同
東坡寓惠凡三禩
有詩一百七十二
空將藤菜敵蓴羹
江月纔留二百字
萬里投荒白髮臣
棲棲數口合江濱
却爲湖中了公

事故令嶺外苦行吟行吟豈是湖山主不放西湖入佳句
逐臣幸飽惠州飯敢向湖山添口語東坡東坡真可悲磨
蝎辰逢紹聖時脫離刀几全餘息領畧湖山不在詩湖山
之靈更有說東坡先生果奇絕前知後有西園公能爲東
坡補其缺世間清福人最難清福無過湖與山錢塘汝陰
久占斷羅浮亦已窮躋攀且留惠州一幅畫付與西園細
描寫西園老矣可若何年來亦是行吟者生長西湖六十
年半農半圃半漁船持螯鯿英烟雨際黑甜軟飽水雲邊
一片蒲帆五石瓢六如荒碣三橋路峰頭白鶴幾時還月
下芳魂何處渡竹岸楊隄秋正新三三兩兩歌採菱城頭
日落不歸去篝燈遠近如流螢永福寺前鐘一動臨風短

笛漁三弄輪篙撒網携笭簪網得銀梭爭笑閔漱玉灘橫
水不波蓼花深處荷花多燭龍燒焰射寒玉潋灩化作金
叵羅孤棹最宜孤月上水鳥無聲秋沆漭人在冰壺琴一
彈永夜衆山皆荅響園公更喜雨中遊荷聲淅瀝櫓聲柔
烟鬟今已沐西子畫漿何須載莫愁萬頃烟波湖一曲人
濯其纓我濯足結茆懶住羅浮山却向西湖千載後有人
能否補西園

元日同友冒雨西湖隨波達旦

郎中

葉春及

元日今年雨不絕玉壺畫舫興何豪城邊暝合青山失夜
半風鳴白浪高咫尺樓臺藏洞壑參橫鐘磬出林臯明朝
只在沙鷗畔凍草寒雲共羽毛

合江樓

宋
蘇軾

海山葱隴氣佳哉
二江合處朱樓開
蓬萊方丈應不遠
肯爲蘇子浮江來
江風初涼睡正美
樓上啼鴉呼我起
我今身世兩相違
西流白日東流水
樓中老目日清新
天上豈有癡仙人
三山咫尺不歸去
一杯付與羅浮春

棲禪寺

宋
唐庚

雨在時時黑
春歸處處青山回
失小寺湖盡得孤亭

又

崔放之

自從白馬馱經始
寶地柑園知有幾
今見逍遙巖洞深
啼猿島接棲禪寺
嵯峨樓閣東西橋
掬水聞香景趣饒
講經雲外天花落
卓錫林邊暑氣消
塵埃不到松關口
僧老漸

隨松影瘦誰知好事眼前青借與時人信宿逗山高地僻
月生圓晨鐘暮鼓驚龍眠看來懶把無生學長笑一聲歸
釣船

又

明新
建伯王守仁

絕頂深坵冒雨攀天於佳景亦多慳自憐久客頻移棹頗
羨高僧獨閉關江草遠連雲夢澤楚雲長斷九嶷山年來
出處渾無定慚愧沙鷗盡日閒

永福寺

中書
曾仕鑑南海

酒盡尋僧寺孤舟繫月明入門鷓鴣散坐石薜蘿清天靜
湖如練雲移樹有聲空山人不見來往伴飛螢

又

張萱

樓頭雨過樹如薺落日低林一杖藜漁唱半歸孤嶼外鐘聲已過斷橋西浮生始覺迷初地往事誰堪問舊題尙喜中天臺百尺可容元度獨攀躋

又

僉憲

徐紘

民物涵春便解頰爲循阡陌到禪關一簾水影一簾竹半面湖光半面山下界紅塵空擾擾上方諸佛自閒閒蕭然鷄犬知何處疑有避秦人未還

湖光亭

明郡

吳晉

湖光亭畔漫行行爲愛臨流百慮清日映波心天上下雲連樹色晝陰晴凭欄剩得垂綸趣撫景懸知乞鑑情吟罷興闌歸去也可人啼鳥兩三聲